

إرحماني إرحماني
خفف أسي حزني
دمعي سكن جفني
إرحماني يا ليل

* * * *

كافي بعد لتفزز اجروح
والطَّعْنَةُ من تسكن جوى الرّوح
عندي شكايه وصوتي مبجوح
خوفي الفجر بهوممه ايلوح
الغريه مره وتخنك انفاس
وشگد تَدَوُّبٌ منها لحساس
مرتاعه والله معصّبه الراس
وافگد أخويه حسين وعباس

محتارة محتاره
دمعاتي نثاره
لو شنو الغاره
لو هجمت الخيل

* * * *

ثاري أُخُوْتِي الليله خُطَّار
والهيبه تضوي أدموع و أذكار
أگضي معاهم أجمل اوطار
ألگی الجثث متوسده أوعار
عندي واعاينهم مصابيح
واسمع صدى تهليل وتسبيح
وبعد الصبح تبگی مذابيح
ويسفي عليهم سافي الريح

مهمومه مهمومه
ويس دمه مرسومه
والآهه مكتومه
بخدودي چن سيل

* * * *

يسرح خالي ال ساعة الموت
أدعي ويجرّحني شجى الصوّت
صار الألم في صدري منحوت
باچر هلي للمذبحة تفوت
وياهو اللي مثلي ويفگد اعزاز
وأدري بعد ما تتفع احراز
وصار الكلب للحسره ينحاز
وتبگی طريحه بلايا جّاز

بعيونى بعيونى
لو اهلي عافونى
حسراتى وظنونى
فى ساعة الويل

* * * *

وحدي ألونن بيك ورجواي
ريتك تطوّل وانظر احذاي
خوفي عليهم ضيّع الرّاي
عطشانه لكن ما ردتّ ماي
يعمى الفجر ما يبصر النور
أخواني صوب أمخيمي تدور
بالي اندهش وافادي موجور
يروى الضمى شوفة هالبدور

موجوعه موجوعه
و الآهه مزروعه
ب الونه و اللوعه
وما بيّ ظلّ حيل

* * * *

بس ما تهيدّ بلحظه هالعين
مشهد طفل متوسد حسين
ظهره انخسف بمثلث البين
مسلوبه ثوبه ويسمع ونين
أفزع واتم أرجف من الخوف
والوالي متعفر بلطفوف
وجسمه انفرى من ضرب لسيوف
نسوانه جت ليها العدا ازحوف

گدامى گدامى
اسمع شجى ايتامى
منظر نحر دامى
والناعى جبريل